

# FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili Timor-Leste/ Mobile Phone +670 77999304/ 77236782/ [forumong.tl@gmail.com](mailto:forumong.tl@gmail.com), [joao.fongtil@gmail.com](mailto:joao.fongtil@gmail.com)/ <https://fongtil.org.tl/>

## RELATÓRIU MONITORIZASAUN VASINA SEMANAL DAHITUK

02– 06 Agosto 2021

### Introdusaun

Forum ONG Timor-Leste kontinua enkoraja membru ONG sira hodi kontinua halo monitorizasaun ba Vasina iha territóriu tomak atu asegura iha retroasaun (feedback) hodi garante prestasaun servisu mak iha kualidade, efikásia no inkluzivu. Asegura comunidade ninia direitu hodi asesu ba informasaun importante husi vasina no asesu ba vasina ho konsiénsia rasik no asegura iha retroasaun ba públiku hodi hasa'e partisipasaun públiku iha vasina hanesan meius hodi kontribui ba prevensaun COVID-19. Rezultadu analiza dadus sira ho apresentasaun persentajen deit hodi hatene ba variavel sira ne'ebe sidauk iha mudansa signifikante hodi nune'e sai referensia ida atu bele hadia diak liu tan dezafiu sira.

Nune'e iha loraun 02-06 Agosto 2021, membru Forum ONG Timor-Leste - FONGTIL halo monitorizasaun iha munisipiu 7 hanesan: Dili (Centro Formosa, Centro Saúde Becora, Klínika Maternidade Fatumeta, UNTL, SAMES no Sentru Saude Vera Cruz), iha Baucau (Centro Saúde Liamari, Sentru Saude Bucoli no Postu Saúde Uailili), iha Liquica ( Sentru Saude Maubara), Lautem ( Sentru Saude Lospalos), Manufahi ( Sentru Saude Turisakai) Bobonaru (Postu Maliana, Suco Raifun Villa, Aldeia Raifun, Postu Maliana, Suco Odomau, Aldeia Genu'haan, Postu Cailaco, Suco Villa, Aldeia Fatuk Laran, Postu Balibo, Suco Leo- Hito, Aldeia Faluwai) no Viqueque (Sentru Saude Uatulari). Fatin tarjetu sira mak hanesan tuir mai:


No	Organizasaun mak Halo Monitorizasaun	Peskizadór	Munisipiu	Tarjetu Monitorizasaun	Data
1.	Forum Tau Matan (FTM)	Evaristo de Deus	Dili	Centro Saúde Formosa	02-04 Agosto 2021
2.	Juventude Inovativu (JI)	Jacinto Sufa		Klínika Maternidade Fatumeta	02-04 Agosto 2021
3.	Sharis Haburas Comunidade (SHC)	Germinal Neves da Costa		Centro Saúde Komunitária Becora	02-04 Agosto2021
4.	ANCTL-TL	Jaimito Siqueira Gusmão		UNTL, SAMES no Sentru Saude Vera Cruz	02-04 Agosto2021

5.	Asosiasaun Unidade Feto ba Dezenvolvimentu (AUFD)	Lourenco Z. Pinto	Baucau	Centro Saúde Liamari, Centru Saude Bucoli no Postu Saúde Uailili,	02-04 Agosto 2021
6.	Radio Comunidade Tokodede	Eduardo Tchea Exposto	Liquica	Sentru Saude Maubara	02-06 Agosto 2021
7.	Luta ba mudansa	Felix Sarmiento	Manufahi	Sentru Saude Turiskai	05 Agosto 2021
8.	FUNERO	Rosita da silva	Lautem	Sentru Saude Lospalos	02-04 Agosto 2021
9.	Fundasaun Haburas Moris	Emirenciana Nipu, Juliana Moniz, Bernardo Soares, Honoria Gusmao	Bobonaro	Postu Maliana, Suco Raifun Villa, Aldeia Raifun, Postu Maliana, Suco Odomau, Aldeia Genu'haan, Postu Cailaco, Suco Villa, Aldeia Fatuk Laran, Postu Balibo, Suco Leo-Hito, Aldeia Faluwai	02-04 Agosto 2021
10.	KHC- Knu Haberan Comunidade	Basilina M. Teresa - Alex Ferreira	Viqueque	Centro Saude Uatulari	02 Agosto 2021

### Análize no Deskobertura

Rezultadu Deskobertura no rekomendasaun sira ne'e, sei iha ligasaun ho deskobrementu no rekomendasaun dahuluk, maibé jerálmente nota katak depois ONG sira halo monitorizasaun iha mudansa lubuk ida ona, liu-liu taxa partisipasaun, porezemplu iha Centro Saúde Komunidade Becora, husi monitorizasaun SHC deskobre katak partisipasaun aumenta, maske nune'e sei iha preokupasaun balun mak kontinua, bazeia ba monitorizasaun durante loron 02-06 Agosto 2021.

Análize jerál hatudu bazeia ba kritériu jerál monitorizasaun nian, konsiénsia no koñesimentu komunidade hodi kumpre regra sira iha fatin vasina sei menus ida ne'e hatudu iha grafiku persentajen ne'ebe sei bo'ot , hanesan distansiamentu sosiál, komunidade la uza maskra, atu garante laiha tranzmisaun iha fatin vasina. Grafiku sira iha kraik hatudu progressu balun no balun seidauk iha progressu mudansa tuir rezultadu monitorizasaun semanal ne'ebe'e OSS sira halo hanesan tuir mai ne'e:




Pessoal saude sira halo orariu vasina nian ne'e sidauk masimu . maske iha sentru vasina barak mak pesoal saude sira estabelese orariu eskrita ba vasina nian maibe mos iha sentru vasina balun seidauk iha orario ne'ebe fiksi. Ida ne'e prejudika mos ba informasaun ba komunidade sira kona ba orariu vasina tamba komunidade barak mos halo atividade barak tamba ne'e presija kria orariu no servisu hamutuk ho autoridade lokal sira hodi bele ajuda fahe orariu sira be komunidade hodi hatene.

Pesoal saude sira utiliza ekipamentu momentu vasina ne'e sei menus liu. Iha sentru vasina barak mak pesoal saude la uza EPP kompletu liu liu sira ne'ebe halo kontatu direita ho komunidade sira ne'ebe atu simu vasina, maske nune iha sentru vasina balun pesoal saude uza EPP kompletu

Preokupasaun seluk mak fatin vasina, fatin sira ladun sentru, la assesivel no klood, nune'e laiha espasu livre ba membru komunidade atu halo vasina, aléinde ne'e facilidade fase liman la kompleta ho sabaun no menus bee mos iha sintina no haris fatin. Fatin fase liman nian antes komunidade sira ba simu vasina.

Pesoal saude sira fahe informasaun ba komunidade kona ba importansia vasina nian momentu vasina. Tamba ne'e komunidade barak mos sidauk komprende didiak vasina nia benefisiu no importansia ba vasina nian hodi hasae imunidade ema nian, presija fahe informasaun tuir lian materna ne'ebe komunidade sira tamba iha fatin balu komunidade susar hatene lian tetun no hatene deit mak lian materna.



diak no organiza didiak antes comunidade sira mai simu fatin vasina ho seguru



Membru Komunitade mak vasina ladun kumpri protokolu saude nian kona ba distansia sosial, uja maskra, no iha fasilidade prevensaun ijiene pesoal. ida ne'e bele fo perigu ba comunidade bele hadaet virus Covid19 ba malu (transmissaun komunitaria). Tamba ne'e presija atensaun mos ba ida ne'e atu nune'e virus Covid-19 la bele hadaet ba ema seluk.



Doutor sira konsulta ba membru comunidade livre hodi koalia sai istoria moras nian antes simu vasina ne'e sei menus. Maske persentajen sai iha semana ne nia laran maibe iha sentru vasina balun pesoal saude kontinua la fo konsulta hodi ke'e istoria moras comunidade nian antes hakat ba simu vasina. Ho nune'e nafatin fo atensaun ba ida ne'e atu nune'e comunidade ne'ebe simu vasina mos hetan seguru no la iha impaktu negativu ba sira nia moris ka nia vida



Depois simu tiha vasina membru comunidade mak hetan vasina sei deskansa oras ida hodi halo observasaun. Rezultadu monitorizasaun ba semana ida ne'e hatudu katak iha mudansa balun konaba comunidade sira ne'ebe simu vasina sei deskansa besik oras ida hodi pesoal saude sira observa karik hamosu reasaun hosi vasina maske nune'e iha fatin vasina balun sei kontinua nafatin depois de simu vasina deskansa deit minutu balun comunidade sira fila ba uma ona.

Deskobrimentu ne'ebe rejista iha monitorizasaun ba semana ida ne (2 to 6 Agosto 2021) grafiku sei hatudu katak komidade sira ne'ebe ba simu vasina barak mak la kumpri protokolu saude hanesan la uza maskra, la fase liman ho sabaun no laiha distansiamentu fiziku, no infelizmente responsavel sentru vasina mos la esplika ba komidade sira konaba importansia atu kumpri portokolu saude nian bainhira mai fatin vasina no mos iha fatin vasina espasu ne'ebe atu akomoda komidade klot no la organiza ho diak nomos iha fatin vasina la iha stock maskra atu fahe ba komidade sira ne'ebe la uza maskra.

Iha fatin rai vasina iha SAMES tuir monitorizasaun OSS nian iha semana ne'e nia laran iha preokupasaun balun ne'ebe responsavel SAMES sira levanta konaba facilidade transporta vasina ba RAEOA ne'ebe depende ba transporta maritima no aviaun ne'ebe afeta ba sira hodi transporta vasina tuir orariu tanba depende ba disponibilidade ró no aviaun ba RAEOA. Iha fatin vasina balun hatudu taxa partisipasaun menus liu no dala ruma pesoal saude sira kansela fo vasina tanba komidade sira ne'ebe hakarak simu vasina la prenxe numeru ema 12 hodi bele hahu simu vasina, razaun balun ne'ebe'e komidade sira hato'o tanba saida mak la ba simu vasina mak:

- Sei tauk atu simu vasina tanba iha kazu ema mate no hetan strock (isin maten) bainhira simu vasina.
- Iha fatin vasina balun (Ermera no Turiskai) komidade preokupa ho kolleta kafe
- Fatin vasina ne'ebe dok hosi komidade sira nia hela fatin liu ba ema ho deficiente ho idozus sira difisil atu ba simu vasina.

Lamentasaun seluk ne'ebe komidade sira foti (sentru saude Formosa) konaba atendimentu ba komidade sira ne'ebe simu vasina dose II (dose kompletu) ne'ebe hakarak rejista sira nia kartaun kinur ba eletroniku ne'ebe oras atendimentu limitadu (to tuku 10.00 deit) enkuantu prezensa komidade barak mak lori sira nia kartaun vasina ba rejista. fatin vasinasaun balun (Uatulari) pesoal saude lamenta tebes ho hahalok membru komidade balun ne'ebe tuda sira tanba labele simu vasina tanba stock hotu.

### **Rekomendasaun Sira :**

#### **Hare ba preokupasaun ne'ebe iha leten hakarak enkoraja nafatin governu ka ministeriu saude atu bele konsidera rekomendasaun sira hanesan tuir mai ne'e**

- Presiza buka meius oin-oin inklui servisu hamutuk ho autoridade komunitaria hodi hasa'e konsiensa komidade kona-ba vasina, tantu iha facilidade saude sira nomos iha komidade liu husi sensibilizasaun informasaun kona-ba benefisui husi vasinasaun liu liu ba komidade sira ne'ebe sei senti tauk simu vasina liu liu iha município nebe taxa partisipasaun sei menus husi pursentu 30 hanesan Ermera, Ainaro no Aileu.
- Presiza halo planu hodi hasa'e kobertura vasina liu husi implementasaun vasina iha suku no aldeia sira.
- Presiza asegura implementa Protokolu saude hanesan distansia sosiál, fase liman no uza máskara iha fatin facilidade saude no fatin iha komidade mak uza ba hodi halo atividade vasinasaun.
- Ministreio saude presiza garante stock ekipamentu prevensaun Covid19 iha fatin vasinasaun hotu
- Garante stock vasina iha fatin vasinasaun hotu hodi labele fo risku ba pesoal saude sira no mos dezanima komidade sira ne'ebe hakarak simu vasina
- Garante stock kartaun kinur iha fatin vasinasaun hotu

- Disponibiliza komputador iha sentru vasina sira atu nune komidade sira ne'ebe hakarak lori sira nia kartaun kinur (dose kompletu) ba rejista elektroniku
- Hadi'a aproximasaun liu-liu fó konsulta ba ema sira mak atu vasina, nune'e bele fó korajen, ema sira mak simu vasina sei sai promotór hodi konta istória di'ak ba ema seluk atu partisipa simu vasina.
- Asegura fatin mak assesível, iha bee no sabaun ba fase liman, inklui hariis fatin hodi garante komidade sente seguru iha fatin vasinasaun.

Daniel Santos do Carmo  
Direktor FONGTIL